

Persunas cun impediment sa fan valair a Berna


Premiera a Berna: per l'emprima giada hai dà en Svizra ina sessiun da las persunas cun impediments. Da la partida è era stà il Rumantsch Silvio Derungs da Dardin. Ils 44 «parlamentaris» han deliberà ina resoluziun che vul augmentar la represchentanza e participaziun politica da persunas cun impediments.

RTR/SDA/FMR

Durant in entir suentermezdi han debattà venderdi passà exact 44 persunas cun impediments davart lur giavischs en vista ad ina participaziun politica. La sessiun era vegnida lantschada da *Martin Candinas* ch'è actualmain president dal Cussegl nazional.

Martin Candinas ha er fatg il bainvegni a la sessiun speziala cun ils peds: «La sessiun per las persunas cun impediment ma stat persunalmain fitg a cor. L'inclusiun dad umans cun handicaps en tuttas domenas da la vita sto insumma star a cor da nus tuts.»

A la sessiun è vegnì discutà davart differents pass ch'i dovra u duvrass per reducir ils obstacels existents e davart soluziuns per pussibilitar la participaziun politica da persunas cun impediments. A la fin han las 44 delegadas e delegads deliberà ina resoluziun correspundenta (guarda boxa).



Martin Candinas, president dal Cussegl nazional, beneventa il parlamentari Silvio Derungs. FOTO RTR

«Nus essan sutrepreschents»

Las tractativas en la sala dal Cussegl nazional èn vegnidas manadas da *Christian Lohr*. El sesa dapi il 2011 per l'Allianza dal Center da la Turgovia en il Cussegl nazional. Ed el s'engascha fermmain per ils dreths da persunas cun impediment. Els dischavantags per quellas persunas sajan en Svizra anc adina gronds, ha constatà Christian Lohr. El ha ditg: «Nus essans dal tut fatg sutrepreschents en la politica.»

El sez è naschi senza mauns e cun pes defurmad per consequenza dad in tractament cun il medicament Contergan. Christian Lohr di dentant era ch'el n'haja mai resentì l'impediment sco in frain. Per el è quai in fatg che al dettia pir da dretg curaschi per s'engaschar.

«Mussar preschientscha»

Tranter las persunas ch'han represchentà a Berna las persunas cun impediment è era stà il Rumantsch *Silvio Derungs* da Dardin ch'è tschorv. Tenor el aveva sia participaziun surtut ina finamira, sco el ha ditg envers RTR: «Il pli impurtant èsi da mussar preschientscha, dad esser qua e da mussar quant blers che nus essan atgnamain. Igl è simplamain impurtant da render attent a nus.»

Christian Lohr è i anc in pass vinavant cun las finamiras da la sessiun ed ha ditg: «Nus na vulain betg ch'i vegnia discuri sur da nus, ma bain nus vulain ch'i vegnia discuri cun nus. Da

Per ina participaziun politica

La sessiun da persunas cun impediments ha deliberà sonda – suenter viva discussiun – ina resoluziun per mauns da politica, autoritads e societad. En quella fa ella tranter auter las suandatas pretensiuns:

- La Confederaziun, ils chantuns, las vischnancas u partidas duain render accessibel a persunas cun impediment ils documents e las infurmaziuns politicas.
- Las persunas cun impediment duain pudair sa participar a moda autonoma e senza barrieras a votaziuns ed elecziuns.

- Las persunas cun in impediment duesan esser represchentadas pli bain en gremis politics – e quai dal cussegl communal en fin tar il Cussegl federal.

Ultra da quai giavisch la sessiun da persunas cun impediment che quella na saja betg stada la davosa sessiun da questa furma. (rtr/fmr)

La resoluziun cumpletta è da chattar sin: www.proinfirmis.ch.

l'autra vart na pudain nus betg mo pretender midadas da la societad, nus stua in influenzer sezs quellas midadas.»

«Fitg interessant ed impressiunant»

En Svizra datti tenor statisticas federalas var 1,8 milliuns persunas cun impediments. Quai correspunda a 22% da la populaziun. Perquai eran a la sessiun da venderdi passà a Berna era occupads 22% dals sezs dal Cussegl nazional. Vul dir che 44 dals 200 sezs en sala èn stads occupads. Las participantas ed ils participants èn vegnids elegids ordavant cun in voting online.

Suenter la sessiun, il venderdi saira, è l'organisasiun Pro Infirmis ch'ha organisà l'occurranza sa mussada fitg satisfatga. En ina comunicaziun a las medias ha ella fatg la conclusiun: «La premiera è stada in grond success.»

Era Christian Lohr ha fatg ina bilantscha positiva, ha dentant era manegjà che la via d'inclusiun saja anc lunga. Che suenter questa sessiun saja la Svizra però in'autra.

Ed il Sursilvan Silvio Derungs ha ditg a la fin da la sessiun envers RTR: «Fitg interessant ed impressiunant. Jau crai ch'i saja ina buna chaussa.»

CUIRA

Per la quarta giada a favur dal clima

Render visibla la dischinfurmaziun e crititgar quella – quai è stà il motto da la quarta demonstraziun dal moviment dal clima a Cuira. Venderdi passà èn sa radunadas var 100 demonstrants e demonstrants tar il Alexanderplatz, sco che l'organisatura «Klimademo» ha scrit sonda en ina comunicaziun a las medias. Gist suenter la demonstraziun cun il titel «1,5°» tras la citad veglia da Cuira hai dà en il «Calvensaal» anc ina discussiun da podium davart il tema clima. (cdm/fmr)



Ina tschientina da persunas èn sa participadas venderdi a la demonstraziun per il clima tras la citad veglia da Cuira. FOTO LIVIA MAUERHOFER

LA VERDA



A la testa da las candidaturas da la partida Verda grischuna: la deputada Anita Mazzetta. FOTO RTR

Cun duas glistas en il cumbat electoral

La partida Verda grischuna ha per l'emprima giada duas glistas per il cumbat electoral per las elecziuns dal Cussegl nazional da quest atun. Ella va en la cursa cun ina glista principala ed ina glista dals giuvens. Questa sonda èn candidatas e candidats sa presentads a Favugn tar l'ovra solara.

Sisum la glista principala stat *Anita Mazzetta*, la deputada dal Cussegl grond e mainafatschenta dal WWF Grischun. Sisum quella dals giuvens è *Celine Hulliger* – emprendista da laboranta da chemia da Ruschein. Las duas glistas da la Verda per las elecziuns per il Cussegl nazional:

- **Glista principala:** Anita Mazzetta, Simon Gredig, Anna Gredig, Nicolas Zogg, Armando Lenz
- **Glista giuvna:** Celine Hulliger, Gabriel Reiber, Agrena Schuler, Gianna Catrina, Loris Niethammer

La finamira saja da tegnair il segund sez da l'Allianza dal clima ensem cun la PS ed ils Verdliberals. Sch'i dettia era questa giada l'allianza na saja però anc betg sclerì, uschia la partida. (rtr/fmr)

PPS



Las candidatas ed ils candidats da la PPS che van en cursa tar las elecziuns dal cussegl nazional da quest atun – en occasiun da la radunanza da delegads da gievgia a Cuira. FOTO KEYSTONE/GIAN EHRENZELLER

Dà la «benedicziun» a las diesch candidaturas

A la radunanza da nominaziun da gievgia saira a Cuira han las delegadas ed ils delegads da la PPS dal Grischun dà glich verda per las candidaturas per las elecziuns dal Cussegl nazional da quest atun. Sia finamira suprema saja da reconquistar in sez.

Cun las duas glistas «SVP Power» e «SVP Puura» vulan las delegadas ed ils delegads restar la partida la pli ferma e reconquistar il sez da la PS da *Sandra Locher Benguerel*. Uschia ha il president da la partida *Roman Hug* sa laschà citar venderdi en ina comunicaziun a las medias. L'onn 2019 aveva la PPS pers ses sez da *Heinz Brand* a la PS.

A la testa èn in'interprendidra ed in pur

Avant passa in'emna aveva la suprastanza da la partida preschenta a Cuira sias duas glistas. A la testa da quellas duas glistas èn la cussegliera naziunala *Magdalena Martullo-Blocher* ed il president dals purs *Thomas Roffler*. Las totalmain diesch candidatas e candidats sajan da l'economia, il mastergn e l'agricultura – e medemmain represchentan quellas persunas tut las regions linguisticas dal Grischun, aveva num en la comunicaziun. (sda/fmr)

HCD

La stagiun è a fin per Tavau

Il Club da Hockey da Tavau ha pers venderdi a Türit il tschingavel duel encounter ils ZSC Lions cun 0:1 – ed uschia era la seria da playoff dal quartfinal cun 1:4. Entant ch'ìls ZSC Lions van uschia en il mezzfinal, è per il HCD la stagiun a fin.

Il sulet gol en quest giu ha fatg *Willy Riedi* en la 48avla minuta. El ha svià in sajat da *Christian Marti* davent da la lingia blava. Nagina schanza n'ha gi il goli da Tavau, *Sandro Aeschlimann*. Al HCD n'èsi betg reussì da sajettar in sulet gol en quest giu. Per l'ina ha la precisiun mancà davant il gol – e per l'autra ha il goli dals ZSC Lions, il Tschec *Simon Hrubec*, pudì persvader er en quest giu.

L'entira seria encounter ils ZSC Lions è stada fitg stretga, la finala han mo detagls decidì a favur dal favurìt, che vul gudagnar per la 10avla giada il titel da campìun svizzer. Il HCD, il campìun svizzer da record, sto avair vinavant pazienza. Il davos titel ha l'equipa grischuna guadagnà il 2015. (rtr/fmr)